

(षष्ठोऽध्यायः ॥ वर्गाः 1-25)

(15)

17

(म.6, अनु.2)

ऋषिः भरद्वाजः बार्हस्पत्यः

छन्दः त्रिष्टुप् 1-14, द्विपदा त्रिष्टुप् 15

देवता इन्द्रः

पिब्रा सोममभि यमुग्र तर्द ऊर्व गव्यं महि गृणान इन्द्र |  
वि यो धृष्णो वधिषो वज्रहस्त विश्वा वृत्रममित्रिया शवोभिः || 1 ||  
स ई पाहि य ऋज्जीषी तरुत्रो यः शिप्रवान्वृषभो यो मतीनाम् |  
यो गोत्रभिद्वज्रभृद्यो हरिष्ठाः स इन्द्र चित्रां अभि तृन्धि वाजान् || 2 ||  
एवा पाहि प्रलथा मन्दतु त्वा श्रुधि ब्रह्म वावृधस्वोत गीर्भिः |  
आविः सूर्यं कृणुहि पीपिहीषो जहि शत्रूरभि गा इन्द्र तृन्धि || 3 ||  
ते त्वा मदा बृहदिन्द्र स्वधाव इमे पीता उक्षयन्त द्युमन्तम् |  
महामनूनं त्वसं विभूतिं मत्सुरासो जहषन्त प्रसार्हम् || 4 ||  
येभिः सूर्यमुषसं मन्दसानोऽवासयोऽप दृळ्हानि दद्रत् |  
महामद्रि परि गा इन्द्र सन्तं नुत्था अच्युतं सदसः परि स्वात् || 5 ||  
तव क्रत्वा तव तदंसनाभिरामासु पक्कं शच्या नि दीधः |  
और्णोर्दुरं उस्त्रियाभ्यो वि दृळ्होदूर्वाद्वा असृजो अङ्गिरस्वान् || 6 ||  
प्राथु क्षां महि दंसो व्युर्वीमुप द्यामृष्वो बृहदिन्द्र स्तभायः |  
अधारयो रोदसी देवपुत्रे प्रले मातरा यद्वा ऋतस्य || 7 ||  
अध त्वा विश्वे पुर इन्द्र देवा एकं त्वसं दधिरे भराय |  
अदेवो यदुभ्योहिष्ट देवान्स्वर्षाता वृणत् इन्द्रमत्र || 8 ||  
अध द्यौश्चित्ते अप सा नु वज्राद्वितानमद्वियसा स्वस्य मन्योः |  
अहिं यदिन्द्रो अभ्योहसानं नि चिद्विश्वायुः शयथे जघान || 9 ||  
अध त्वष्टा ते मह उग्र वज्रं सहस्रभृष्टिं ववृतच्छताश्रिम् |  
निकाममरणसं येन नवन्तमहिं सं पिणगृजीषिन् || 10 ||  
वर्धान्यं विश्वे मरुतः सजोषाः पचच्छतं महिषां इन्द्र तुभ्यम् |  
पूषा विष्णुस्त्रीणि सरांसि धावन्वृत्रहणं मदिरमंशुमस्मै || 11 ||  
आ क्षोदो महि वृतं नदीनां परिष्ठितमसृज ऊर्मिमपाम् |  
तासामनु प्रवत इन्द्र पन्थां प्रादयो नीचीरपसः समुद्रम् || 12 ||  
एवा ता विश्वा चकृवांसमिन्द्रं महामुग्रमजुर्यं सहोदाम् |  
सुवीरं त्वा स्वायुधं सुवज्रमा ब्रह्म नव्यमवसे ववृत्यात् || 13 ||  
स नो वाजाय श्रवस इषे च राये धेहि द्युमतं इन्द्र विप्रान् |  
भरद्वाजे नृवत इन्द्र सूरीन्दिवि च स्मैधि पार्ये न इन्द्र || 14 ||

तमुं ष्टुहि यो अ॒भिभू॑त्योजा व॒न्वन्न॑वातः पुरु॒हूत॑ इन्द्रः	
अषा॑ळहमु॒ग्रं सह॑मानमा॒भिर्गी॑र्भिर्व॒र्ध वृ॑ष॒भं च॑र्षणीनाम्	॥ 1 ॥
स यु॒ध्मः स॒त्वा ख॑ज॒कृत्स॒मद्वा॑ तुवि॒मृक्षो॑ न॒दनु॑माँ ऋ॒जीषी॑	
बृ॒हद्रै॑णु॒श्च्यव॑नो मानु॒षीणा॑मेकः कृ॒ष्टीना॑मभवत्सहावा	॥ 2 ॥
त्वं ह॒ नु॒ त्यद॑दमायो दस्यू॒रेकः॑ कृ॒ष्टीर॑व॒नोरा॑र्याय	
अस्ति॑ स्वि॒न्नु वी॑र्यं॒ तत्त॑ इन्द्र॒ न स्वि॑दस्ति॒ तद॑तुथा वि॒ वौचः॑	॥ 3 ॥
सदि॑द्धि॒ तै॑ तुवि॒जात॑स्य॒ मन्ये॑ सहः॒ सहि॑ष्ठ॒ तुर॑तस्तुरस्य॒	
उ॒ग्रमु॑ग्रस्य॒ तव॑स॒स्तवी॒योऽर॑ध्रस्य॒ रध्र॑तुरो॒ बभू॑व	॥ 4 ॥
तत्रैः॑ प्र॒लं स॒ख्यम॑स्तु यु॒ष्मे इ॒त्या व॑द॒द्भिर्व॑लमङ्गि॒रोभिः॑	
ह॒न्न॑च्युतच्युद्द॒स्मेष॑यन्तमृ॒णोः पुरो॑ वि॒ दुरो॑ अस्य॒ विश्वाः॑	॥ 5 ॥
सहि॑ धी॒भिर्ह॑व्यो॒ अस्त्यु॑ग्र ई॒शान॑कृ॒न्मह॑ति वृ॒त्रतू॑र्ये	
स॒ तो॒कसा॑ता॒ तन॑ये॒ स व॑ज्री॒ वित॑न्त॒साय्यो॑ अभवत्स॒मस्तु॑	॥ 6 ॥
स॒ म॒ज्मना॑ जनि॒म॒ मानु॑षाणा॒मम॑र्त्ये॒न॒ नाम्ना॑ति॒ प्र सं॑र्से	
स॒ द्यु॒म्नेन॑ स॒ शर्व॑सोत॒ राया॑ स॒ वी॒र्ये॑ण॒ नृ॒त॑मः॒ समो॑काः	॥ 7 ॥
स॒ यो न॑ मु॒हे न॑ मिथू॒ जनो॑ भू॒त्सु॑मन्तु॒नामा॑ चु॒मु॒रिं धु॑निं च	
वृ॒णक्वि॑प॒प्रुं श॑म्बरं॒ शुष्ण॑मिन्द्रः॒ पुरां॑ च्यौ॒लाय॑ श॒यथा॑य॒ नू चि॑त्	॥ 8 ॥
उ॒दा॒व॒ता॒ त्वक्ष॑सा॒ पन्य॑सा च॒ वृ॒त्रह॑त्याय॒ रथ॑मिन्द्र॒ तिष्ठ॑	
धि॒ष्व व॑ज्रं॒ हस्त॑ आ॒ दक्षि॑ण॒त्राभि॑ प्र॒ म॒न्द॒ पुरु॑द॒त्र मा॑याः	॥ 9 ॥
अ॒ग्नि॑र्न॒ शुष्कं॑ व॒नमि॑न्द्र॒ हेती॑ र॒क्षो नि॑ ध॒क्ष्य॑शनि॒र्न भी॑मा	
ग॒म्भीर॑र्यं॒ ऋ॒ष्वया॑ यो॒ रुरो॑जाध्वा॒नय॑द्दुरि॒ता द॒म्भय॑च्च	॥ 10 ॥
आ॒ सह॑स्रं॒ पृथि॑भि॒रिन्द्र॑ रा॒या तु॑विद्यु॒म्र तु॑वि॒वाजे॑भि॒रर्वा॑क्	
या॒हि सू॑नो॒ सह॑सो॒ यस्य॑ नू॒ चि॒ददे॑व॒ ईशे॑ पुरु॒हूत॑ यो॒तोः॑	॥ 11 ॥
प्र॒ तु॑विद्यु॒म्रस्य॑ स्थ॒विर॑स्य॒ घृ॒ष्वेदि॑वो॒ रर॑षो॒ महि॑मा॒ पृथि॑व्याः	
ना॒स्य॑ श॒त्रुर्न॑ प्र॒ति॒मान॑मस्ति॒ न प्र॑ति॒ष्ठिः॒ पुरु॑मा॒यस्य॑ स॒ह्योः॑	॥ 12 ॥
प्र॒ तत्ते॑ अ॒द्या कर॑णं॒ कृतं॑ भू॒त्कु॑त्सं॒ यदा॑यु॒मति॑थि॒ग्वम॑स्मै	
पु॒रू स॒हस्रा॑ नि॒ शि॑शा॒ अ॒भि क्षा॑मु॒त्तूर्वा॑याणं॒ धृ॒ष॒ता नि॑नेथ	॥ 13 ॥
अनु॑ त्वाहि॒न्ने अ॒ध दे॒व दे॒वा म॑द॒न्वि॒श्वे॑ क॒वित॑मं॒ कवी॑नाम्	
करो॑ यत्र॒ वरि॑वो॒ बाधि॑ताय॒ दि॒वे ज॑नाय॒ तन्वे॑ गृ॒णानः॑	॥ 14 ॥

अनु द्यावापृथिवी तत्त ओजोऽमर्त्या जिहत इन्द्र देवाः |  
 कृष्वा कृत्वो अकृतं यत्ते अस्त्युक्थं नवीयो जनयस्व यज्ञैः || 15 ||

(13)

19

(म.6, अनु.2)

ऋषिः भरद्वाजः बार्हस्पत्यः	छन्दः त्रिष्टुप्	देवता इन्द्रः
----------------------------	------------------	---------------

म॒हँ इन्द्रो॑ नृवदा चर्षणि॒प्रा उ॒त द्वि॒बर्हा॑ अमि॒नः स॒हो॑भिः |  
 अ॒स्म॒द्र॒ग॒वावृ॒धे वी॒र्या॑योरुः पृथुः सुकृतः कर्तृभिर्भूत् || 1 ||  
 इन्द्रमेव धिषणां सातये धाद्बृहन्तमृष्वमजरं युवानम् |  
 अषाळ्हेन शर्वसा शूशुवांसं सद्यश्चिद्यो वावृधे असांमि || 2 ||  
 पृथू करस्ना बहुला गभस्ती अस्मद्रयस्कसं मिमीहि श्रवांसि |  
 यूथेव पशुपा दमूना अस्माँ इन्द्राभ्या ववृत्स्वाजौ || 3 ||  
 तं व इन्द्रं चितिनमस्य शाकैरिह नूनं वाजयन्तो हुवेम |  
 यथा चित्पूर्वे जरितारं आसुरनेद्या अनवद्या अरिष्टाः || 4 ||  
 धृतव्रतो धनदाः सोमवृद्धः स हि वामस्य वसुनः पुरुक्षुः |  
 सं जग्मिरे पृथ्याः रायो अस्मिन्समुद्रे न सिन्धवो यादमानाः || 5 ||  
 शविष्ठं न आ भर शूर शव ओजिष्ठमोजो अभिभूत उग्रम् |  
 विश्वा द्युम्ना वृष्या मानुषाणामस्मभ्यं दा हरिवो मादयध्वे || 6 ||  
 यस्ते मदः पृतनाषाळमृध्र इन्द्र तं न आ भर शूशुवांसम् |  
 येन तोकस्य तनयस्य सातौ मंसीमहि जिगीवांसस्त्वोताः || 7 ||  
 आ नो भर वृषणं शुष्मिन्द्र धनस्पृतं शूशुवासं सुदक्षम् |  
 येन वंसाम् पृतनासु शत्रून्त्वोतिभिरुत जामारजामीन् || 8 ||  
 आ ते शुष्मो वृषभ एतु पश्चादोत्तरादधरादा पुरस्तात् |  
 आ विश्वतो अभि समैत्वर्वाडिन्द्र द्युम्नं स्वर्वद्धेह्यस्मे || 9 ||  
 नृवत्त इन्द्र नृतमाभिरुती वंसीमहि वामं श्रोमतेभिः |  
 ईक्षे हि वस्वं उभयस्य राजन्धा रत्नं महि स्थूरं बृहन्तम् || 10 ||  
 मरुत्वन्तं वृषभं वावृधानमकवारिं दिव्यं शासमिन्द्रम् |  
 विश्वासाहमवसे नूतनायोग्रं सहोदामिह तं हुवेम || 11 ||  
 जनं वज्रिन्महि चिन्मन्यमानमेभ्यो नृभ्यो रन्धया येष्वस्मि |  
 अधा हि त्वा पृथिव्यां शूरसातौ हवामहे तनये गोष्वप्सु || 12 ||  
 वयं तं एभिः पुरुहूत सुख्यैः शत्रोः शत्रोरुत्तर इत्स्याम |  
 घ्नन्तो वृत्राण्युभयानि शूर राया मदेम बृहता त्वोताः || 13 ||

ऋषिः भरद्वाजः बार्हस्पत्यः

छन्दः त्रिष्टुप् 1-6,8-13, विराट् 7

देवता इन्द्रः

द्यौरन य इन्द्राभि भूमार्यस्तस्थौ रयिः शर्वसा पृत्सु जनान्	
तं नः सहस्रभरमुर्वरासां दद्धि सूनो सहसो वृत्रतुरम्	॥ 1 ॥
दिवो न तुभ्यमन्विन्द्र सत्रासुर्यं देवेभिर्धायि विश्वम्	
अहिं यद्वृत्रमपो वत्रिवांसं हवृजीषिन्विष्णुना सचानः	॥ 2 ॥
तूर्वन्नोजीयान्तवसुस्तवीयान्कृतब्रह्मेन्द्रो वृद्धमहाः	
राजाभवन्मधुनः सोम्यस्य विश्वासां यत्पुरां दुर्लुमावत्	॥ 3 ॥
शतैरपद्रन्पणय इन्द्रात्र दशोणये क्वयेऽर्कसातौ	
वृधैः शुष्णास्याशुषस्य मायाः पित्वो नारिरेचीत्किं चन प्र	॥ 4 ॥
महो द्रुहो अपं विश्वायुं धायि वज्रस्य यत्पतने पादि शुष्णाः	
उरु ष सरथं सारथये करिन्द्रः कुत्साय सूर्यस्य सातौ	॥ 5 ॥
प्र श्येनो न मंदिरमंशुर्मस्मै शिरो दासस्य नमुचेर्मथायन्	
प्रावन्नमीं साप्यं सुसन्तं पृणग्राया समिषा सं स्वस्ति	॥ 6 ॥
वि पिप्रोरहिमायस्य दृळ्हाः पुरो वज्रिञ्छवसा न दर्दः	
सुदामन्तद्रेकणो अप्रमृष्यमृजिर्धने दात्रं दाशुषे दाः	॥ 7 ॥
स वेत्सुं दशमायं दशोणिं तूतुजिमिन्द्रः स्वभिष्टिसुम्रः	
आ तुग्रं शश्वदिभं द्योतनाय मातुर्न सीमुपं सृजा इयध्यै	॥ 8 ॥
स ई स्पृधो वनते अप्रतीतो बिभ्रद्वज्रं वृत्रहणं गभस्तौ	
तिष्ठद्धरी अध्यक्षेव गते वचोयुजा वहत इन्द्रमृष्वम्	॥ 9 ॥
सुनेम तेऽवसा नव्य इन्द्र प्र पूरवः स्तवन्त एना यज्ञैः	
सप्त यत्पुरः शर्म शारदीर्द्धन्दासीः पुरुकुत्साय शिक्षन्	॥ 10 ॥
त्वं वृध इन्द्र पूर्व्यो भूर्वरिवस्यनुशने काव्याय	
परा नववास्त्वमनुदेयं महे पित्रे ददाथुं स्वं नपातम्	॥ 11 ॥
त्वं धुनिरिन्द्र धुनिमतीर्कृणोरपः सीरा न स्रवन्तीः	
प्र यत्समुद्रमति शूर पर्षिं पारयां तुर्वशं यदुं स्वस्ति	॥ 12 ॥
तव ह त्यदिन्द्र विश्वमाजौ सुस्तो धुनीचुमुरी या ह सिष्वप्	
दीदयदित्तुभ्यं सोमैभिः सुन्वन्दुभीतिरिधमभृतिः पक्थ्यश्कैः	॥ 13 ॥

ऋषिः भरद्वाजः बार्हस्पत्यः

छन्दः त्रिष्टुप् देवता इन्द्रः 1-8,10,12, विश्वे देवाः 9,11

इमा उ त्वा पुरुतमस्य कारोर्हव्यं वीरु हव्या हवन्ते	
धियो रथेष्ठामजरं नवीयो रयिर्विभूतिरीयते वचस्या	॥ 1 ॥

तमु स्तुषु इन्द्रं यो विदानो गिर्वाहसं गीर्भिर्यज्ञवृद्धम्	
यस्य दिवमतिं म्हा पृथिव्याः पुरुमायस्य रिरिचे महित्वम्	॥ 2 ॥
स इत्तमोऽवयुनं ततन्वत्सूर्येण वयुनवच्चकार	
कदा ते मर्ता अमृतस्य धामेयक्षन्तो न मिनन्ति स्वधावः	॥ 3 ॥
यस्ता चकार स कुहं स्विदिन्द्रः कमा जनं चरति कासु विक्षु	
कस्ते यज्ञो मनसे शं वराय को अर्क इन्द्र कतमः स होता	॥ 4 ॥
इदा हि ते वेविषतः पुराजाः प्रत्नास आसुः पुरुकृत्सखायः	
ये मध्यमास उत नूतनास उतावमस्य पुरुहूत बोधि	॥ 5 ॥
तं पृच्छन्तोऽवरासुः पराणि प्रत्ना तं इन्द्र श्रुत्यानु येमुः	
अर्चामसि वीर ब्रह्मवाहो यादेव विद्म तात्वा महान्तम्	॥ 6 ॥
अभि त्वा पाजो रक्षसो वि तस्थे महि जज्ञानमभि तत्सु तिष्ठ	
तव प्रत्नेन युज्येन सख्या वज्रेण धृष्णो अप ता नुदस्व	॥ 7 ॥
स तु श्रुधीन्द्र नूतनस्य ब्रह्मण्यतो वीर कारुधायः	
त्वं ह्याऽपिः प्रदिवि पितृणां शश्वद्भूथ सुहव एष्टौ	॥ 8 ॥
प्रोतये वरुणं मित्रमिन्द्रं मरुतः कृष्वावसे नो अद्य	
प्र पूषणं विष्णुमग्निं पुरंधिं सवितारमोषधीः पर्वतांश्च	॥ 9 ॥
इम उ त्वा पुरुशाक प्रयज्यो जरितारो अभ्यर्चन्त्यकैः	
श्रुधी हवमा हुवतो हुवानो न त्वावा अन्यो अमृत त्वदस्ति	॥ 10 ॥
नू म आ वाचमुप याहि विद्वान्विश्वेभिः सूनो सहसो यजत्रैः	
ये अग्निजिह्वा ऋतसाप आसुर्ये मनुं चक्रुरुपरं दसाय	॥ 11 ॥
स नो बोधि पुरएता सुगेषूत दुर्गेषु पथिकृद्विदानः	
ये अश्रमास उरवो वहिष्ठास्तभिर्न इन्द्राभि वक्षि वाजम्	॥ 12 ॥

(11)

22

(म.6, अनु.2)

ऋषिः भरद्वाजः बार्हस्पत्यः

छन्दः त्रिष्टुप्

देवता इन्द्रः

य एक इद्धव्यंश्चर्षणीनामिन्द्रं तं गीर्भिरभ्यर्च आभिः	
यः पत्यते वृषभो वृष्ण्यावान्तस्यत्यः सत्वा पुरुमायः सहस्वान्	॥ 1 ॥
तमु नुः पूर्वे पितरो नवग्वाः सप्त विप्रासो अभि वाजयन्तः	
नुक्षद्वाभं ततुरिं पर्वतेष्ठामद्रौघवाचं मतिभिः शविष्ठम्	॥ 2 ॥
तमीमह इन्द्रमस्य रायः पुरुवीरस्य नूवतः पुरुक्षोः	
यो अस्कृधोयुरजरः स्वर्वान्तमा भर हरिवो मादयध्यै	॥ 3 ॥
तन्नो वि वौचो यदि ते पुरा चिञ्जरितारं आनुशुः सुम्रमिन्द्र	

कस्ते भागः किं वयो दुध खिद्वः पुरुहूत पुरुवसोऽसुरघ्नः	॥ 4 ॥
तं पृच्छन्ती वज्रहस्तं रथेष्ठामिन्द्रं वेपी वक्त्रे यस्य नू गीः	
तुविग्राभं तुविकूर्मि रभोदां गातुमिषे नक्षते तुमृमच्छ	॥ 5 ॥
अया ह त्वं मायया वावृधानं मनोजुवा स्वतवः पर्वतेन	
अच्युता चिद्वीळिता स्वोजो रुजो दृळ्हा धृषता विरशिन्	॥ 6 ॥
तं वो धिया नव्यस्या शविष्ठं प्रत्नं प्रत्नवत्परितंस्यध्यै	
स नो वक्षदनिमानः सुवह्नेन्द्रो विश्वान्यति दुर्गहाणि	॥ 7 ॥
आ जनाय द्रुहणे पार्थिवानि दिव्यानि दीपयोऽन्तरिक्षा	
तपा वृषन्विश्वतः शोचिषा तान्ब्रह्मद्विषे शोचय क्षामपश्च	॥ 8 ॥
भुवो जनस्य दिव्यस्य राजा पार्थिवस्य जगतस्त्वेषसंदक्	
धिष्व वज्रं दक्षिण इन्द्र हस्ते विश्वा अजुर्य दयसे वि मायाः	॥ 9 ॥
आ संयतमिन्द्र णः स्वस्तिं शत्रुतूर्याय बृहतीममृध्राम्	
यया दासान्यार्याणि वृत्रा करो वज्रिन्सुतुका नाहुषाणि	॥ 10 ॥
स नो नियुद्धिः पुरुहूत वेधो विश्ववाराभिरा गहि प्रयज्यो	
न या अदेवो वरते न देव आभिर्याहि तूयमा मद्र्यद्रिक्	॥ 11 ॥

(10)

23

(म.6, अनु.2)

ऋषिः भरद्वाजः बार्हस्पत्यः	छन्दः त्रिष्टुप्	देवता इन्द्रः
सुत इत्त्वं निमिंश्लु इन्द्र सोमे स्तोमे ब्रह्मणि शस्यमान उक्थे		
यद्वा युक्ताभ्यां मघवन्हरिभ्यां बिभ्रद्वज्रं बाह्वोरिन्द्र यासि	॥ 1 ॥	
यद्वा दिवि पार्ये सुष्विमिन्द्र वृत्रहत्येऽवसि शूरसातौ		
यद्वा दक्षस्य बिभ्युषो अबिभ्युदरन्धयः शर्धत इन्द्र दस्यून्	॥ 2 ॥	
पाता सुतमिन्द्रो अस्तु सोमं प्रणेनीरुग्रो जरितारमूती		
कर्ता वीराय सुष्वय उ लोकं दाता वसु स्तुवते कीरये चित्	॥ 3 ॥	
गन्तेयान्ति सर्वना हरिभ्यां बभ्रिर्वज्रं पपिः सोमं दुदिर्गाः		
कर्ता वीरं नर्यं सर्ववीरं श्रोता हवं गृणतः स्तोमवाहाः	॥ 4 ॥	
अस्मै वयं यद्वावान् तद्विविष्म इन्द्राय यो नः प्रदिवो अपस्कः		
सुते सोमे स्तुमसि शंसदुक्थेन्द्राय ब्रह्म वर्धनं यथासत्	॥ 5 ॥	
ब्रह्मणि हि चकृषे वर्धनानि तावत्त इन्द्र मतिभिर्विविष्मः		
सुते सोमे सुतपाः शंतमानि रान्द्र्या क्रियास्म वक्षणाणि यज्ञैः	॥ 6 ॥	
स नो बोधि पुरोळाशं रराणः पिबा तु सोमं गोऋजीकमिन्द्र		
एदं बर्हिर्यजमानस्य सीदोरुं कृधि त्वायुत उ लोकम्	॥ 7 ॥	
स मन्दस्वा ह्यनु जोषमुग्र प्र त्वा यज्ञास इमे अश्रुवन्तु		

प्रेमे हवासः पुरुहूतमुस्मे आ त्वेयं धीरवस इन्द्र यम्याः	॥ 8 ॥
तं वः सखायः सं यथा सुतेषु सोमैभिरीं पृणता भोजमिन्द्रम्	
कुवित्तस्मा असति नो भराय न सुष्विमिन्द्रोऽवसे मृधाति	॥ 9 ॥
एवेदिन्द्रः सुते अस्तावि सोमे भरद्वाजेषु क्षयदिन्मघोनः	
असद्यथा जरित्र उत सूरिरिन्द्रो रायो विश्ववारस्य दाता	॥ 10 ॥

(10)

24

(म.6, अनु.3)

ऋषिः भरद्वाजः बार्हस्पत्यः	छन्दः त्रिष्टुप्	देवता इन्द्रः
----------------------------	------------------	---------------

वृषा मद इन्द्रे श्लोक उक्था सचा सोमेषु सुतपा ऋजीषी	
अर्च्यो मघवा नृभ्य उक्थैर्द्युक्षो राजा गिरामक्षितोतिः	॥ 1 ॥
ततुरिर्वीरो नयो विचेताः श्रोता हवं गृणत उर्व्यतिः	
वसुः शंसो नरां कारुधाया वाजी स्तुतो विदथे दाति वाजम्	॥ 2 ॥
अक्षो न चक्रयोः शूर बृहन्त्र ते मद्वा रिरिचे रोदस्योः	
वृक्षस्य नु ते पुरुहूत वया व्युत्तयो रुरुहुरिन्द्र पूर्वीः	॥ 3 ॥
शचीवतस्ते पुरुशाक् शाक् गवामिव सुतयः संचरणीः	
वत्सानां न तन्तयस्त इन्द्र दामन्वन्तो अदामानः सुदामन्	॥ 4 ॥
अन्यदद्य कर्वरमन्यदु श्वोऽसञ्च सन्मुहुराचक्रिरिन्द्रः	
मित्रो नो अत्र वरुणश्च पूषार्यो वशस्य पर्येतास्ति	॥ 5 ॥
वि त्वदापो न पर्वतस्य पृष्ठादुक्थेभिरिन्द्रानयन्त यज्ञैः	
तं त्वाभिः सुष्टुतिभिर्वाजयन्त आजिं न जग्मुर्गिर्वाहो अश्वाः	॥ 6 ॥
न यं जरन्ति शरदो न मासा न द्याव इन्द्रमवकर्शयन्ति	
वृद्धस्य चिद्धर्धतामस्य तनूः स्तोमेभिरुक्थैश्च शस्यमाना	॥ 7 ॥
न वीळवे नमते न स्थिराय न शर्धते दस्युजूताय स्त्वान्	
अज्रा इन्द्रस्य गिरयश्चिदृष्वा गम्भीरे चिद्धवति गाधर्मस्मै	॥ 8 ॥
गम्भीरेण न उरुणामत्रिन्प्रेषो यन्धि सुतपावन्वाजान्	
स्था ऊ षु ऊर्ध्व ऊती अरिषण्यन्नक्तोर्व्युष्टौ परितकम्यायाम्	॥ 9 ॥
सचस्व नायमवसे अभीक इतो वा तमिन्द्र पाहि रिषः	
अमा चैनमरण्ये पाहि रिषो मदैम शतहिमाः सुवीराः	॥ 10 ॥

(9)

25

(म.6, अनु.3)

ऋषिः भरद्वाजः बार्हस्पत्यः	छन्दः त्रिष्टुप्	देवता इन्द्रः
----------------------------	------------------	---------------

या त ऊतिरवमा या परमा या मध्यमेन्द्र शुष्मिन्नस्ति	
ताभिरू षु वृत्रहत्येऽवीर्न एभिश्च वाजैर्महात्र उग्र	॥ 1 ॥

आभिः स्पृधो मिथुतीररिषण्यन्नमित्रस्य व्यथया मन्युमिन्द्र |  
 आभिर्विश्वा अभियुजो विषूचीरायाय विशोऽव तारीर्दासीः || 2 ||  
 इन्द्रं जामयं उत येऽजामयोऽर्वाचीनासो वनुषो युयुज्रे |  
 त्वमेषां विथुरा शवांसि जहि वृष्यानि कृणुही पराचः || 3 ||  
 शूरो वा शूरं वनते शरीरैस्तनुरुद्या तरुषि यत्कृण्वैते |  
 तोके वा गोषु तनये यदप्सु वि क्रन्दसी उर्वरासु ब्रवैते || 4 ||  
 नहि त्वा शूरो न तुरो न धृष्णुर्न त्वा योधो मन्यमानो युयोध |  
 इन्द्रं नकिष्ट्वा प्रत्यस्त्येषां विश्वा जातान्यभ्यसि तानि || 5 ||  
 स पत्यत उभयोर्नृम्णमयोर्यदी वेधसः समिथे हवन्ते |  
 वृत्रे वा महो नृवति क्षये वा व्यचस्वन्ता यदि वितन्तसैते || 6 ||  
 अध स्मा ते चर्षणयो यदेजानिन्द्रं त्रातोत भवा वरूता |  
 अस्माकासो ये नृत्मासो अर्य इन्द्रं सूरयो दधिरे पुरो नः || 7 ||  
 अनु ते दायि मह इन्द्रियाय सत्रा ते विश्वमनु वृत्रहत्ये |  
 अनु क्षत्रमनु सहो यजत्रेन्द्रं देवेभिरनु ते नृषह्ये || 8 ||  
 एवा नः स्पृधः समजा समत्स्विन्द्रं रारन्धि मिथुतीरदेवीः |  
 विद्याम् वस्तोरवसा गृणन्तो भरद्वाजा उत तं इन्द्रं नूनम् || 9 ||

(8)

26

(म.6, अनु.3)

ऋषिः भरद्वाजः बार्हस्पत्यः

छन्दः त्रिष्टुप्

देवता इन्द्रः

श्रुधी न इन्द्र ह्यामसि त्वा महो वाजस्य सातौ वावृषाणाः |  
 सं यद्विशोऽर्यन्तु शूरसाता उग्रं नोऽवः पार्ये अहन्दाः || 1 ||  
 त्वां वाजी हवते वाजिनेयो महो वाजस्य गध्यस्य सातौ |  
 त्वां वृत्रेष्विन्द्र सत्पतिं तरुत्रं त्वां चष्टे मुष्टिहा गोषु युध्यन् || 2 ||  
 त्वं क्विं चोदयोऽर्कसातौ त्वं कुत्साय शुष्णां दाशुषे वर्क |  
 त्वं शिरो अमर्मणः पराहन्नतिथिग्वाय शंस्यं करिष्यन् || 3 ||  
 त्वं रथं प्र भरो योधमृष्वमावो युध्यन्तं वृषभं दशद्युम् |  
 त्वं तुग्रं वेत्सवे सचाहन्त्वं तुजिं गृणन्तमिन्द्र तूतोः || 4 ||  
 त्वं तदुक्थमिन्द्र बर्हणा कः प्र यच्छता सहस्रा शूर दधि |  
 अव गिरेर्दासं शम्बरं हन्प्रावो दिवोदासं चित्राभिरूती || 5 ||  
 त्वं श्रद्धाभिर्मन्दसानः सोमैर्दभीतये चुमुरिमिन्द्र सिष्वप् |  
 त्वं रुजिं पिठीनसे दशस्यन्ष्टिं सहस्रा शच्या सचाहन् || 6 ||  
 अहं चन तत्सूरिभिरानश्यां तव ज्याय इन्द्र सुम्रमोजः |  
 त्वया यत्स्तवन्ते सधवीर वीरास्त्रिवरूथेन नहुषा शविष्ठ || 7 ||



वयं ते अस्यामिन्द्र द्युम्रहूतौ सखायः स्याम महिन् प्रेष्ठाः |  
 प्रातर्दनिः क्षत्रश्रीरस्तु श्रेष्ठो घने वृत्राणां सनये धर्मानाम् || 8 ||

(8)

27

(म.6, अनु.3)

ऋषिः भरद्वाजः बार्हस्पत्यः छन्दः त्रिष्टुप् देवता इन्द्रः 1-7, अभ्यावर्ती चायमानः (दानं) 8

किमस्य मदे किम्वस्य पीताविन्द्रः किमस्य सुख्ये चकार |  
 रणां वा ये निषदि किं ते अस्य पुरा विविद्रे किमु नूतनासः || 1 ||  
 सदस्य मदे सदस्य पीताविन्द्रः सदस्य सुख्ये चकार |  
 रणां वा ये निषदि सत्ते अस्य पुरा विविद्रे सदु नूतनासः || 2 ||  
 नहि नु ते महिमनः समस्य न मघवन्मघवत्त्वस्य विद्म |  
 न राधसोराधसो नूतनस्येन्द्र नकिर्ददृश इन्द्रियं ते || 3 ||  
 एतत्यत्त इन्द्रियमचेति येनावधीर्वरशिखस्य शेषः |  
 वज्रस्य यत्ते निहतस्य शुष्मात्स्वनाञ्चिदिन्द्र परमो दुदारं || 4 ||  
 वधीदिन्द्रो वरशिखस्य शेषोऽभ्यावर्तिने चायमानाय शिक्षन् |  
 वृचीवतो यद्धरियुपीयायां हन्पूर्वं अर्धे भियसापरो दत् || 5 ||  
 त्रिंशच्छतं वर्मिण इन्द्र साकं यव्यावत्यां पुरुहूत श्रवस्या |  
 वृचीवन्तः शरवे पत्यमानाः पात्रा भिन्दुाना न्यर्थान्यायन् || 6 ||  
 यस्य गावावरुषा सूयवस्यू अन्तरू षु चरतो रेरिहाणा |  
 स सृञ्जयाय तुर्वशं परादाह्वचीवतो दैववाताय शिक्षन् || 7 ||  
 द्वयाँ अग्रे रथिनो विंशतिं गा वधूमतो मघवा मह्यं सम्राट् |  
 अभ्यावर्ती चायमानो ददाति दूणाशेयं दक्षिणा पार्थवानाम् || 8 ||

(8)

28

(म.6, अनु.3)

ऋषिः भरद्वाजः बार्हस्पत्यः छन्दः त्रिष्टुप् 1,5-7, जगती 2-4, अनुष्टुप् 8 देवता गावः 1,3-7,  
 गावः इन्द्रः वा 2,8

आ गावो अगमन्नुत भद्रमक्रन्त्सीदन्तु गोष्ठे रणयन्त्वस्मे |  
 प्रजावतीः पुरुरूपा इह स्युरिन्द्राय पूर्वीरुषसो दुर्हानाः || 1 ||  
 इन्द्रो यज्वने पृणते च शिक्षत्युपेददाति न स्वं मुषायति |  
 भूयोभूयो रयिमिदस्य वर्धयन्नभिन्ने खिल्ये नि दधाति देवयुम् || 2 ||  
 न ता नशन्ति न दधाति तस्करो नासामामित्रो व्यथिरा दधर्षति |  
 देवाँश्च याभिर्यजते ददाति च ज्योगित्ताभिः सचते गोपतिः सह || 3 ||  
 न ता अर्वा रेणुककाटो अश्रुते न संस्कृतत्रमुप यन्ति ता अभि |  
 उरुगायमभयं तस्य ता अनु गावो मर्तस्य वि चरन्ति यज्वनः || 4 ||  
 गावो भगो गाव इन्द्रो मे अच्छान् गावः सोमस्य प्रथमस्य भुक्षः |

इमा या गावः स जनासु इन्द्र इच्छामीद्धृदा मनसा चिदिन्द्रम् ॥ 5 ॥  
यूयं गावो मेदयथा कृशं चिदश्रीरं चित्कृणुथा सुप्रतीकम् ।  
भद्रं गृहं कृणुथ भद्रवाचो बृहद्वो वयं उच्यते सुभासु ॥ 6 ॥  
प्रजावतीः सूयवसं रिशन्तीः शुद्धा अपः सुप्रपाणे पिबन्तीः ।  
मा वः स्तेन ईशत् माघशंसः परिं वो हेती रुद्रस्य वृज्याः ॥ 7 ॥  
उपेदमुपपर्वनमासु गोषूपं पृच्यताम् ।  
उपं ऋषभस्य रेतस्युपेन्द्र तव वीर्ये ॥ 8 ॥

। इति चतुर्थाष्टके षष्ठोऽध्यायः समाप्तः ।